

Yiren osi ejüka : William de Vink

Jisu jo Shanchopvüi



Echungren yuta lo motsü tsophotso ji

Ntio



Lanpen : Nnhüngi na Potsow yithen hanphi

Mmha : Ematha longshi osi mmhalan Potsow na kyon jiang thüngi, ocho na ombo lo longtsüa osi ombo ematha lüm erüing tsoo jiang thüngi mmhayiala.



Ntho motsü : Ntho motsü ji lo jo ni na Potsow a ombo kyonden jiang kvütowoe na zekata sana elani kyon jiang ombo na kvütolyüi enoa sana hojiang erani lia.

Longtsüi okho : Jisu Süreiten, ocho na ombo echü tsüngon elani bhantilan ji hümrüi tona jününgrojü yakchia nchümcheo ji tsala.



Donphen : Donphen shi jo Jisu ombo lüm erüing lona khangshi khisi, chüo ji Donphen shi jo Jisu sürüiten jiang tsükona cheka tsüphov kümthaka.

Sürüi : Jisu phankaiten mekana ombo sürüiten.



Bhantilan : Tokhü kvülo shi opvüi Jisu na echü loa kümchelamo ji müngyanchia tokhü tao ji Jews jiang jo shi tsüngon shiang lo yakchia tokhü ji tssolia müngyanchita la.

Kümali eküm : Jisu ndüngo potsowoe eküm echüing evamvü, Potsow na nchümo ji kümali evamo eküm shi jo echü ji khyothechia elani sho lojo ntia ochüm nli.



Longtsüi : Potsow na echümchak ki evao ji etssov.

Nnlansita : Limhalo ete na mmen etsso jiang jo ochi na ha nlan nnsiyicheo tssolia, Potsow na jo nlan e siyiala. Ni na otsotso nlan chona tssona elani nina otsotso tongphia tssona Potsow na nlan e siyiala. Nnlansiyiata ji jo tssokhoka, ntiotssole Jisu na ete echüing ji ombo na ombo eküm ji thana ezüp ji khicho, ete nlan mmen jiang esüyiv tsükona.



Meta kvülo : Meta kvülo shi kyon jiang na ombo jancho ezo eküm lo van asana, onte tsükona Potsow ekhüngyan jijo vanhya lia vanala.

Nthomon : Kyon ochoang na Jisu sürüa phana sana elani longtsüa sana Potsow nthomon jina yuta akvü lo vanhya, kyon jiang eküm mo vanala.

Jisu : Potsow tsow ji mying, yichak kin a, "Potsow na shanchoala"

Shanchopvüi : "Thyujü nzüyio" shanchopvüi 'Messiah' (Hebrew yin a) elani Greek yin a ho Christa- yichak jo oni kheti .

Randan : Randan shijo ni na kvüthung Potsow thüngi jükrup pa mekana ekhyoto randana, Potsow thüngi jamo ji tsala elani randan lona nina ombo yi engao ji.

Kumchelan : Jisu na echu lona phanthilancha. Osi tsungon motsunga lo jo echu, yippa evanden jiang na tssolia echu lona phanthiv. Hoji sülo jo Potsow na limha ae evan den kyon topvü oyi tssoyiv.

Kholan : Kvüthung Jisu Christa na Limhae elani kholana sana limha ae epyingeli eani tsütsailan jiang topvu ethan kümthoklamvü. Kümstüyan elani limha jiang tssolia topvu Potsow na nsacholamvu.

Tsungrham : Ezüethuk kin a mekana nnhungi na Potsow ri elani kyon ri (Elani nmenmon to tssolia etsyuka cheta)

Nmen : Nmen to ephyo shi jo kvüthung ete na nmhon elani Potsow yikrachyu kyuchia nvan na ete etancho tssoe Potsow nmathathoko ji tsala. Nmen elhi tsoo ji yakchia Potsow na ete eküm ochyüovüngi tsükona tumkae evayio ji tssolea e khalanchiyiala.

Potsow tsoe : 'Potsow tsoe' shi jo Jisu mying Ombo Potsow, ocho na limha shilo kyon (oso) küm mi rocho, osi Potsow tsoe to küm mi rocho.




Shanchopvüi Jisu jo ocho la?

Jisu jo Israel meta to tsa jilo nzyu othung eni (2000) yithako jiwoe vancho. Ete na jo ombo ji 'Shancho' pvüi Jisu' mekana 'Jisu Christa' to tsala. Ji yichak jo ombo roza ji to tokhatola, ombo roza (ekhung esae) tae mek. Jisu jo 'Potsow tsoe' elani 'Kyon tsoe' to ha tsala. Shi yichak jo ombo Potsow osi kyon, oni echi Jisu motsü ji jo Ntho motsü jilo ereroa erani lia. Osi hoji jo motsü tsüphotsowo ji.

Jisu yuta lo

Ete echüngren shijo Jisu bok ko jilona benkacho. Hoji yuta lo jo kyon jiang na yentas mekana shenphi shenrüa thüng tssolia ojoe na mekana katho lona elani odh, karü poni nto shiang lona tsankae yentsatacho Roman ekhüngyan jiang na onte esa ji meta opvü, chiso jo Europe, Engchirolan olongo elani northern Africa jiang topvü Raman jiang na socho. Hoji thüng ko kyon elümoto na nkhache elani nranchecho tolia Israel lo Jehudi jiang jo ontena eranthi elani khache to tsocho. Ontena "Kako jilo kyonden" to tsacho. Kako jilo jo Potsow na nsancho, hoji jo Bible ji. Ombo limha ae evan topvü liyingpvüi ji elani ombo kyon jiang thüngi oshom tssöhüngcho. Jisu na hoji elüm rakcheta ejüi lia!





Jisu yuta lo Israel

Yanpvü : Jerusalem

Sayaro meta : Galilee, Samaria, Judea.

Etsüesi : 28,000 (Othüing mikyü-tiza) km² harüma. Othüing taro si nzo tiza si taro sq. miles (10,810 sq miles)

Ezhümpong : subtropical

Yansaeronlan : Rokro ethum B.C. Christa nrothung lona benkae Ramans jiang na Israel meta ji onte na sa vancho.

Yansaron : Israel meta jiho Pontius Pilate to tsa Raman yansapvüo jina sa vancho. Elani Pontius Pilate na mhawoe Roman ekhungsaе Tiberias ma ombo sa vancho.

Ekhümlan : Judaism. Jehudi kyong jiang jo onte ekhümki Jerusalem meta Yantsü jilo licho. Hojilojo Pvüti elüm vana osi onteno elhi elümoto tssoe ekhüm lan osi ekhümkho ji tsüka rank alia vantokvü tsükona, ji tae mek, tolia pungnoeten, Pharisees to tsa jiang na tssolia kyongten jiang Bible (Ntho motsü lona kyon osi longtsüiten jiang shekhüp pa elani püingnorüyüala.

Yisanlan : Hebrew (Shijo Jehudi jiang yisalan tssocho) Greek (Yisanlan shijo topvülo opvü tssoa elümna nsantacho) Latin (shijo Romans jiang yisanlan)



Ntiolyüi kyong shiang jo zhükhüpi tssae sanrhyütala?



Methaktava; Potsow ekhüing
yan ji enhyankata tsathaka!

Eküm ethan benkatava!



Potsow yitso pvü ji otong ji oying jilo vanthaka.....



Otong kvülo shi tsüingthi mmhom ji nnthia sana, hoji tong jijo tani omi zhükhvü jilo shümchojtüi siv.



Ete shilo kvütata oro vancho sana topvü tong ji esüa ete topvü tani esüv. Ocho na eküm mmhom lo vamvü etümchola?



Ho! Ochi na ha Potsow yitso lona ntsanchoche, Tokhatolia, ocho na asülo tssacho sana, ombo na ni eküm ji ochüngi na elani haphoe to nte ntssungchev.

Nina otsotso ekum ethani nte chowo hünga tsoa tssona, ni mmen osi nlan jiang phyocha ka ojü shi lona rheyi Baptist osi ntssüingcheta.



Enhüngo nino eküm ethan evamvü tsükona nmen lona ni ntssüingchethaka.

Kyon topvü na pungnoe ji
John Baptist to tsatacho

Ayio elum ethev eli tvü
mek. Tolia, ayio ocho na
a sulo ro sav evamo ji
osi ocho na Potsow jo
ocho sana to ete topvü
thüngi ejüv tsükona rov
evamo ji tsükona olan
wonia vancho esia tvü
tae. Ombona Potsow
nthomon lona elani
Potsow omi lona ni
baptiyiv. Osi hoji
yakchia ni khophiv.



Hoji thüng



A.... Ayio ni
lona a baptiv
shikvü!



Nzansi a baptia. To tssona
eni na Potsow lüm erüing
epha ji tssola.




Apo, ni ekhüngyan
rothaka osi ni lüm
erüing ephanina a
tssothoka.



Jithüng, Potsowoe na
ovon heto esa phycho....

Nino a tsoe.
Ana ni nganala
osi ana ni lo
ematha lia.



John Baptist jo benkadani na, Shanchopvüi etsao ji tsükona olan nsüngriyia vancho. Hoji yuta lo jo Israel jo Roman ekhungyan lo ejütae ze na meta teriv tae tssoscho.



Israel meta ae Jehudi jiang ji ethojaka elani khangshia to tssoscho. Kyong jiang na Roman esa jiang lona onte shancho tsükona Shanchopvüi erov yuta ji nhyakta vancho. Ombo rhanchopvüi ji osi ombo erov jehudi kako ehemo jiang lo tsencheilia. Osi shanchopvüi jina Potsow elan ji ekhyo lo hansia chowov.

Jordhan zhükhvü jilona John Baptio na Jisu ji etsyukacho.


Zetava! Shijo Potsow olyuoro ji, Ochona Limha nmen ji khi siyiv tsükona rocho sana shi .



Jisu na Bapticho sülo Potsow ntho mon jina mbo ji romhoni sosi wocho.



Ombo na hojilo eng 40 (zuro) elani sumo 40 (zuro) to tssükhanghankhang khia randancho, osi hoji yalchia ombo na limha shilo roe ombo elhi ji mmhona chonchui zev tsükona.



Ekhyo jilo chivov tsukona Jisu na Potsow etüm ezi ji limha ae kyon jiang thüngi chakcheta ejiv tsukona elhi etssov lichio. Potsow na limha ae kyong jiang tsukona etümezi vao jijo, kyonden jiang ji echu emung na rhüma ae vao ji lona tssüngkav tsükona etümezi lichio.

Hojithüng Satan na Jisu ji ojang tssoscho, Satan jo nnhungi na limha ji roe esio ji osi emang meta lo esae ji tssoscho.



Hoka apo! Ana ni na ntio etssov a ezochi sana ana hoji tssovka!

Khatolia Satan (Tsüngerham) jina Jisu ji ombo elhi etssov tsükona osi Potsow tümka ji mpenchetokvü tsukonnna Jisu ji ojang tssoho.

Nino Potsow tsoe ji to tssona onlong shiang ji humri kümthoka!

Potsow yilo heto erani lia: Kyon na kvüthung halia humri lona tae eküm nvanche tolia Potsow yithen ji ethev lia.



Nino otsotso Potsow tsoe ji to tssona khumphen ji mhonki shi lona tsokchoa. Potsow yi jilo na heto erani nnlike, ombo lanpen jiang na oro ni khyon to?

Nino otsotso tseni osi a khüma tssoa tssona ana limha ae eli osi etho jiang nipiv!

Hoji sülo tsüngerham (Satan) jina Jisu süsi yicho osi lanpen jiang na hojithüing ombo kyocho osi ombo benkatacho.



Potsow yi jilo na heto ha erani lia: Ni na ni Potsow ji ojang nntssov shikvü.




A lona tsana satan ! Potsow yi lona heto erani lia: Nina otsotso eküm evamo Potsow ji tae khümvü shikvü.



Jisu na galilee kholani yiathung jo ombo lo Potsow nthomon jina pyingi vancho. Jisu jo kyon ovo khosha evan meta, hoji jo Israel (North) shilo na ranküm cho. Kyong kholok elümoto na ombo sürüa yentsatacho. Onte na nchümtao jijo, Jisu jo otsotso Mesao shanchopvüi ji alo, to zenkhying na kako lo erani vao ji, to nchümtacho.



Hoji yutalo Cana meta ae, Galilee phongtongro
jiwoe yanpiyanthan khumshum khita vancho.



Jisu ha hoji yanpiyanthan jilo
oro vancho, elani ombo oyo
osi ombo shomten onte nzo
oro vantacho.



Tokhatolia yanpiyanthan
ji yutalo.....

Shijo ntio emhokelüm ato!
Jünügrothi jü ji nnjüv sithaka!

Jisu na ntio etssov nte
ezoa sana hoji tssotava!

Jümvüri tsüphov jiang
ojü khi pyingthoka osi
tokhüpüvi ji owo pia.

Ojü? Khatolia shijo
Jünügrothi jü! Osi
shijo ntio Jünügrothi
jü mmhom hetvü to!

Shi yuphi zeta! Nino
jünügrothi jü
mmhontso ji sülamö
jilo vacho!

?

Shijo kvילו ha nnozhan! Ana kvüthung halia yanpiyanthan hetvü lo woe nnzehan.
Oju ji jünügrothi ju lo tongphio tvü lo! Shijo jünügrothi jü mmhontsowo ji!

Chethev shijo Nazareth
yamo Jisu na tssochö ka!

Ombo ocho la?

Copernaum yantsü shijo ngorünten yantsu tssocho. Onte na onte eküm evamvü tsükona Galilee wozhü jilo owo ongo rümtacho. Meta shilo Jisu na owo kyon kholokten jiang thungi Potsow ekhngyan ji tsükona onte pungnocho!



Osi hojithüng mbona mbo sürüi ovungo to ji ethungchecho.



Peter, ni rhong ji oju jongo tuv lo hansi owo nina hojilo ngovanphen ji hojilo zona.



Püngnoe yo, e na zümo chisoa ongo vanta khatolia ntia nnrhüma-rhakhan.



Khatolia nina phyoa tssoa tssona



Shijo! Ana ... a mhyik shina a nlongtsü!





James! John!
Hepi yitava! Shijo
eküm echong to
ongo vana vanlia,
shì esüa nnvanrhak
ko tvü evan ni lia!



A silinchia Opvüi! Ayio
nmen etssoe osi nmen
na pyingcho kyon ka.

Ti kyua, peter!



A sürüa rotava! Ana ngorüm
kyonten nte kümthokvü ka!



A Sürüa rotava!

Jisu osi ombo sürüiten jiang onte nzo Galilee meta jilo yentsata osi kyongten jiang thüngi Potsow ekhüngyan ji tsükona püngnoa wotacho. Ombo na kyon ochoang otsükoso lo era jücho sana jiang emiyia wocho, osi nmen mon na sayao jiang tssolia Jisu na phancho.

Kyon jiang na hojiang hungi elümoto phana wotacho. Kyon jiang na Jisu püngnoyi ji engatav osi chethev jiang zetav tsukona yantsü echümpoe osi Jerusalem yantsü lona tssolia oro ombo sürüa phanphitacho. Onte na Jisu na püngno jiang mmhona engatacho.



Omon thüngoe yantsa ae ka to vamo jiang emathao, ntiotssole, Potsow ekhü ngyan jo onte echi!

Ntsantho tsükona wondon erao jiang emathao, ntiotssola onteno lümbüm pyingyiv.



Nungra evanten jiang emathao. Ntiotssole Potsow na lümbüm onte emiyiv.



A tsükona kyon na ni yikvua osi khangshi – ntssonsio jiang emathao. Emathata longshio vantava. Ntiotssole Potsowoe nte yantso tsüphov lika.



Nina kvüto oyam khi ni süphitok hunga sana hoji esüa oyam jiang ni na ha mmhona süphio. Nina kvüto thampo kyon jiang khi ni süphitok hunga asana hoji esüa oyam jiang tssolia ni na mmhona süphi lümbüma.



Ni ri jiang nzana osi onte tsükona randana.



Ni na elhi mmhom tssovo jiang mmphoe na, ochi na ha ni nntsithoko tvü tsükona tssoa.



Ocho na ombo eüng ji sisi thanpoe eloe ji jüpona, ompvüi eyiloe sana hoji kyon jina ombo lümbüm mi na jo eloe ji oni nmen tssothaka.



Omhyik jijo kyon tsük ko wondang ji. Ni mhyik ji ntssünga tssoa tssona ni tsük topvü lo wondang na tüngrazhüa vamvü. Khatiolia ni mhyik ji elok na khümzhücho tssoa tssona ni eküm ji emüng ngi vamvü.



Kyon ochi na ha opvüi eni n benkache; Nte na potsow tona ejüeli to oni n benkache.



Ojua tsükona ti wonkhyutava. Ji thüngina jo, Potsow ekhüngyan ji yandentava, tona shiang hetopvü nte echi tssov.



Ni na a yi shiang enga tssona nina kyon nchyua ocho na ombo ki ji longpvü lo tssoe vancho esüa osi nina ana phyo shiang nga tssona, nino kyon nchyua ocho na ombo ki ji ochon (hajung) lo tssoe vacho esüa tvü tssov.



Tsüngon motsünga lo kyon kholok elüm na Capernaum meta ae Jisu ki jilo sanrhyui vancho...

Ete nna kvüthung ha lia rhowochev mek.



Ete na mhonki na chongo okvü nsüngerüi Jisu ntoktachev; Yipen osi osü jiang hamsia!

Shijo amhawoe na ntio tssola?



To tssothoka! Ombo shomden jiang lo longtsü elüm jua osi alo longtsükata onte shom ji sosi rotacho ka!



Ni mmen jiang nmlan ni siyithaka!

Ombo kvütolyui heto phyoala! Nted na zozo, ombo na phyo ji?



Ombo na Potsow emakatala!

Potsow tae na kyon nmlan osi nmen jiang khi siyicheta!

Jojang ji thüngi kvüto ezo ji laro la: 'Ni mmen jiang nmlan ni siyithaka' mekana 'Bhantia'?



Shanchopvüi jina nmla-nmen jiang esiv tsükona etho lia. Khatolia ana heto elani phyolam: Ni sayiphen jiang ji khyokata osi sanphia!






Emhokthav chethev elhi!

Pfutssonthoka!

Ana olan tsachethaka!

Khotolia kyon topvü na Jisu na chethev etssovo ji, kyon ejoma na jo nmathacho. Ekhümkho lo esae osi pvütiten jiang na Jisu ji cheta osi ombo na Ntho emong tsüngon jilo shikvü jiang benphia alo nmbenphia sana hiji zeta phancho. Israel shikvü ephanina na jo Ntho emongtsüngon shilo jo kyon ochi na ha elhi ntia nntssoshe to rükrük ka shikvü nsüngerücho.



Emong tsüngono emiyiv tsükona shikvü lona elanlichio alo? Kyon tsük shijo, ombo khe ji chüthaka ombo khechüi ka.

Ni khe ji phisa!



Opvui pfutssontoka! Ombo na a emiyithaka!



Etena kyon shi, kyonten jiang lona nkachoe vantokchev!

Jerusalem yantsü jilo esopvüi jiang ji heto oyi ezotachev. Kyon tsük shina pvüji jiang ji sosora la!



Jiau na ombo sürüiten jiang to nzotssoe Galilee
wozhüi jilo na orhong ngi tsankae yita vancho.




Püingnoe yo! E nzanchia!
Orhong ji jüingthei e chuvsaka!



Nino Ntiolyui ni nstüp pa
la? Ni longtsü jo kvüla?






Phonglan jilo kyon nchyua vancho. Ombolo nmen mon (tsüngerham) na ombo tsük jilo rhowo ombo sayae vancho.



Ombo tsathaka!

Ombo tsata! ugh!



Jesu, Jesu!



Ombo lona tsana, Nmen mon!

Nino ntiolyui e khetsüala Jisu, Ntssontssowo Potsow tsoe?



Ni mying jo ochola?


Legion, to a tsacho, ntiotssole e yio omon nmhon khosa etssowo ji tsükona



To tssona nzansi wokoten jiang lo e rheyithoka.


Rhowoa!





Ana ha ni phana rokhokcho alo?


Ni ki oyi kholanathüng Opvüi Potsow na ntio ni tssoyi cho sana kyon jiang thüngi ezoa!




Ana nte ezoa la: Otsoe nchyua jina elhi jiang ombobo ntssoche. Ombona Opo jina ntio elhi tsoa sana hoji zesi sanati elhi jiang jiang tsoala. Ana jo a etancho chethev osi elhi shiang ntsso tolia Apo lüm erung ephanina elhi shiang tsoala. Limha shilo jo ombo na a rothokcho.




Jisu jo engakvü noying meta tvü lona owo randancho.



Ombo na zümoa randancho sülo Jisu na ombo sürüi taro eni (12) ji ehtüngchecho. Ombo na sürüiten jiang ji eni eni na ethüngi onte wotokcho. Elani, ombo na sürüiten jiang thüngi omon nmhon ephamvü osi nochonori jiang lona kyon jiang emiyiv tsükona etho pia worhokcho.



Osi ontana ojeniten jiang tsocho Peter tona Andrew....



James tona ombo ojini John....



Philip tona Nathanael....

Thomas tona Mathew (onte na sürüi nnkümthüing jo eni jo Roman jiang tsükona tssenkyae tssoa rocho)



Thaddaeus tona James (echümpo ji)



Simon, (Ocho jo tanglanchi tsükona khontae kyon , tona Judas Iskariot to,



Wotava! Ochona nte khichoa sana a khichoala osi ochona a khichoa sana onte na, ocho na a rothokcho sana hoji khichoala.



Jisu sürüiten taro eni (12) jiang na wothokelhi jiang tssosi kholanathung onyte na emathata kholantacho. Hoji sülo jo Jisu na ombo sürüi jiang sosi meta noying tvüi wota hungcho, tolia kyon jiang na ombo sürüi phana wotacho.

Liri jijo elüm tolia oli ji eriv tsükona kyon jiang jo wozanro tae. Liri Potsow ji thüangi randana kyon rothokvü osi oli ji rüv, hanththev tsükona ombona e mhayiv.



Jesu na kyon jiang püngnoa elani rmiyiya to tsscho. Osi hojito tssoa onte silancho.

Philip, kyon shiang jo etssoyui kvulo na kvütolyui hungi tsothokvü la? Ni na yani onte pikokcho alo?



Chro tiza (8) jokheman na jo kyon kholok shiang tsükona etsoyui shishov mek!

Ete ndüngi nonghori shi na hümri mongo tona ongo teriv eni to bencho. Shi tae lia.



Kuong jiang tinyan (50) na reni khokthethoka.




Jisu na Potsow montssow pia....



Ombo na hümri jiang tona ongo jiang to mpvüroe....



Jisu na etsoyu ji kyongkathoki kyon othung-othung jiang ji tsothokcho.



A nchum jo shanchopvui erov to motsü lo erani elio jijo Jisu.

Ete na Jisu ji Mesao ji tsothoktav ka!



Zetava! Elani loksa 12 (taroni) enhyolani lika!



Enhungo sülana ka, kyon jiang ji oki yithaka. Osi nte ha orhong jilo tssankae a nnhyak na, a vüngi na yita vantava. Ayio phonglan shilo vani randamvü saka.





Kyon ejoma na jo Jisu ji Mesao kümthokvü tsükona nhümta vancho. Onte na nchümtao jijo Jisu na onte mesao tssoe ombo na Roman kyon elani esaeten jiang to Israel meta ae jilo na etsüngchokchüi siv to nchümtacho. Jisu ri jiang tssolia kyonkalancho. Onte na ombo ji nsamsavü ekhirana osi ombo phyochophyoritacho. Onte na Jisu ji kyon jiang khi nnze-hungthokvü tsükona ekhytssotacho osi ombo ji ephamvü tsükona nchümtacho.



Pungnoeyo, nino kvüthüng na hepi yichola?

Nino ana hümri nte epio ji yakchia a yanta alo?

Thanroe esio etsoyu jiang tsükona ti wonkhyitava tolia etsoyu kvülo shi enhyoa sana osi kümali eküm nip iv sana hoji etsoyui ji yantava.



Ayio eküm hümri ji. A tsük shiji limha ae kyongten eküm jiang tsükona ana pithaka.



Kvütolyu kyon tsük shina ombo tsük ji e tsothokvü tsükona e pichev la?

Ejung ja !




Vuta, kholani yitavka

Ombo na ete topvü e kyakthechia ka.



NTe ha a süsi nte yihüngcho alo?

Opvui, e yio ocho ndüngi wov la? Ni yi jiang jo kümali eküm evamo yi jiang! (Lord, to whom shall we go?)





Jerusalem yantsü ji haphoe/pomoe kyon jiang ji chüthoka to tsscho. Kyon jiang dongphen lo doni sitacho, shijo Roman jiang shikvü ephani na ezüp tsscho.



Ochona sana a phana rhung nga tsoa tssona ombo na ombobo mhechoe sisi ombo donphen ji tssakae bensi a phana rov shikvü.



Ochona ombo eküm shancho hung asana ombo na moni siv, osi ochona a tsükona ombo ekum mona sana hoji hunglam.



Ni na shi mmhona ntsiv shikvü Potsow jo motsünga tae.



Ana oyi opvü nte thüngi ezov sa evamo ji jo, nina Potsow yi ni eli osi tsütsaelan topvü lona kyongkata ombo nzanmvü shikvü, osi ni na nibobo nzana esüa, kyon jiang tssolia hoji esüa nzanmvü ethev lia.)

Hoji yuta jilo jo Israel meta ae ratsüenoe yan licho. Ratsüenoe shijo ekhem mo otsük ofü nochonori tssochi. Ochang kyon jiang ratsüeno shina kathakcho sana onte ethiesong kyon jiang lona tsantae vancho osi ratsüenoe jiang lona konkae vantacho.




Ratsüeno jiang na kvüthüng meta yakchia sana onte na eronta sanphita wotacho osi kyon jiang ji ratsüenoe tsata to nthinlüm mvü tsükona.

Ratsüenoeten!
Ratsüenoeten!



Jisu! Püngnoeyo!
Nzansi e nzana





Woa, owo nibobo ji pvüti ji thüngi ejüa!



Pvüti ji ndüngo wotav ke? Etsüngetsüi ezeyiv tsükona alo?

Hojito tssona emiyiv!



?

!



Zetava! A emiyithaka!



Ete topvü emiyithaka!

Ho ka!



Hallelujah! Potsow jo mmhona! Montsso ka!



Nte taro küma! Nte topvü emiyicho esü la? Tona thampo jiang jo kvülo Yicho? Ontena Potsow montsso epiv tsükona nnrotachonk ke?



Bhanthia! Ni longtsü jina tae ni nnmyi, tolia shancho ha ni shanchothaka.

Jihudi esopvüi jiang na Jerusalem Yantsu jilo onte phajae jiang Jisu thungi wothokcho osi ombo na yentsathüng ombo sürüphana ombo chephyä wotacho. Onte na Jisu elhi osi mmhon jiang ji nnezkhok tacho.

Ombo kyon ochoang na tssayimying. Thüing nni elani elhingo nmen etssoe, Longshülönphyoe, otssen ekhyae ochoang na Romans jiang onte nzotssoe elhi tssoa sana hojiang to onte nzo tae sanrhyutachos .

Shanchopvüi ji rothaka osi mbona moni evan jiang eküm shanchoyiv tsükona yanala.



Ntiotssole Jisu na ntho emong tsüngon jiang lo lia kyon jiang emiyia wocho....

Ni emiyithaka!



Osi ombo echumporo tssoa nonghariten jiang na ombo chokacho.....

Nonghoriten jiang a thüingi rotoka ntiotssole potsow ekhüngyan ji jo onte esüa noying osi emiroe kyon jiang echi.



Jisu ji Bethany yan jilo tsocho osi oyan ji jo Jerusalem yantsü ji ndongo tssocho. Hojithüng jo Lazarus jo nochonoria vancho. Lazarus ton ambo oyilov eni, Martha tona Mary to jo Jisu okhümo mmhom tssocho. Kvüthüng Jisu na Bethany jancho sana, Lazarus jo chüsi nchok mzhüo to tsothakcho to zocho.



Opvui, ni na helo vancho salevo a pyao ji chuv mek!



Ni pyao ji kümchelumvü ka, Martha.



Ana ntsia. Ombo enhungo limha ochüm thüng ti tae ealni kümchev lamü ka.



Ayio kumchelan ji osi eküm ji ocho na alo longtsüa sana ombo eküm vamvü. Nina hoji longtsüa alo?



Hoka Opvüi! Ana longtsüala ni no Shanchopvüi limha shilo rov sa evamo, Potsow tsoe ji.



Nteno kvülo ombo jüthecho la? Oro zeta, Opvüi!





Jerusalem yantsü jilo thosae jiang na Jisu osi ombo sürüi ten jiang ji nnezkhokvü elani ombo elhi jiang ekhiranta cho.



Kyon tsük shina chethev elhi elüm tssoala.

Ete na heto ombo tsothoka vancho jo Romans jiang na yingto vamvü mek!

Onte na ete khümpheni osi ete pvüji ji roe e siyiv!



Nte zhüvake! Kichok tsütsata! Ete jipo topvü monthokvü ji thüngina jo kyon tsüka chüthoko ji mmhomo to ntena n tsichoke.



Hoji tssükona Jisu ji chüthokchev!

Hoji yuta lona benkae Jihudi esopvüi osi esae ten jiang na Jisu ji Romans jiang khelo theyiv tsükona yuta mmhon yanta vancho. Ntiotssole onte tae na kyon nchyua ji chüthakvü mekana ezüpthokvü tsükona etho licho.

Kvüthung Jisu na Bethany yan jilo vancho sana.



Yuta tara sülo yakchi tokvü ji jana vanthakcho.
Kyon kholok na Jerusalem mi tokvü ji
müngyanchitav tsükona yentsata vancho.



Jerusalem mi esopvüiten jiang
na Jisu ji kvütolyui rhümatav
sana to kyimta osi nhyakta
vanracho. Totssolia ombo na
yantsü jilo ekyo khia rhowochi.



Kyon jiang na emathata osi
longshita ombo elonchocho.



Hurray!

Hurray!

Israel Mesao ji mmhayithoka!


Potsow thünga, ocho
na opvüi myingo
na rocho sana!



Ete na jo hetvü kvülo ha nnhunghan
osi shi heto tssona ombo nnrhümache.

Zeta limha toto na
ombo phankatala.

Yantsü yanpvü jilo khümphenki jijo eküm osi potsow ji othan piv tsükona ekhüm meta opvü ji tsocho.



Kvüthüng yakchi tokhü ji müngyanchita sana olyuro jiang lüngthatacho.



Olyuro jiang ji khümphenki othan tsothakcho osi hoji yakchia Potsow tona kyonten jiang to shenchümtalamvü tsükona tsothakcho.



Khatolia ntio hochakthan olyuro na otsotso kyonten jiang nmen lona shanchov la?



Khümphenki rhowolan osi ekhümki jiang lo kyon elümoto na shishota osi orang dongta vancho.



Jisu ha hojilo vancho....



Apo ki jo randan ki to tssov to erani lia, khatolia ntena retsoreyui shüp kümthokala!



Ombo elüm ekyu lia; kyonten jiang na ombo jilo tae longtsüa vanala.



Ete na zakto ombo ji kyongten jiang lona tsanchoe vanthokvü ethev lia!



Ete na kvüto sana lyui okyak tsoe ombo rhümatachev. To tssona ete na ombo ji chüthokchev.

Tolia tokvü ji yuta lo mek. Yakchi tokvu jilo jo ete na tssolia ntia nyinyang khetsü e nnjüpon.



Nte Jisu ejen man ji kvuta a piv la?

Shijo Judas, osi ombo ha Jisu sürüi nchyua!



Ana Jisu ji nte khelo piv ka!



E na orang rangpyak thümro (30) ni piv ka Jisu tsükona; osi hoji jo ezi man ji ni piala.



Jisu na Yakchi Tokvü ji
 nnjanthüng mbo yuta jiang ji
 khümphenki kyonten jiang
 püngnoa ombo yuta jiang
 yakchicho, khatolia khümphe
 ki jilo esopvüi ten jiang na
 ombo na püngnovo jiang
 emathata osi ombo nmlan
 yanitacho.



Hijo mmyulani jo Jisu osü ombo sürüi ten
 (Taroeni) 12 to yakchi tokvü khümshüm
 tsükona yantsü jilo na ntoktacho.



Ana elhi jiang nhung
 zümo tsso ka!





Ana Tokvü shilo nte thüngi
nztssoe etsoyu tssotav
tsükona nhyaka vancho, ana
ezüp yuta ji njanthüng.



Kyon ethoesa ae jiang jo oyim
khi onte elhi tssoyithokala,
khatolia nte no hoji lona
echümpo tssov shikvü.



Nte topvü to nrüi mekana
phajae ji nte yulo esopvui
ji tssovka.



Ayio nte yulo nrüi ji ka.





Opvui, nino a jo ji ezi esia a epyoyiv sa alo? Meka! kvüthüng lia mek!

Ana ni npyayio tssona ni no a ekhüngyan ni a thüngi ni tsükona vanphen nli.



Opvüi, to tssona a kvüri osi a khe shiang tssolia a epyoyial!

Kyong ochona tsuka thancho sana hoji jo ombo jo ji tae epyov ethev lia.



Ntena opvüi osi püngnoe yo to khüa a tsatala, osi hoji jo elan ji. Ana nte jo jiang epyoyio ji esia, ntea tssolea nte nte yolo nzanta osi tsüka na tsüka benkata vantav. Shikvü, kvüto an ante süphi lümbüm mo ji esia tssov shikvü.



Nte yulo tsüka na a yemvü saka.

Hoji jo a alo?

Ntssoshe!



Judas, ni na ntio tssov sana zakto tssoa.





Ana tsso shi ji a nchümchephen esüa tssota khena....



Hümri shi khi tssotava, shijo a tsuk ji.



Opvü shi khitava, osi yutava. Ntiotssole shijo a ntsata ejen ji nte tsükona lyutheyicho. Shi yakchia Potsowo n ante lo ntsata ethan nsüngrüa la.



Ana nte thungi yizung ethan nte piv ka; Ana nte nzanthako ji esüa nte nte nzanta vanta khe.



Nte n nte nte nzanta khiyingta-rata vana tssoa tssona topvü n ante a sürüiten to ntiv.



Opvüiyo, ni na kvülo woa sana ana ni phana rov. Ana a eküm shi tssolia ni tsükona than cheta.

Peter, nchüng zümo hono nnkhvüthüng ni na a n-tsi to yenjo ethüm phyov.

Jetosi mmyuathüing jo Jisu osi ombo sürüiten jiang a yantsü ji süsi yitacho. Tolia Judas jo onte ndüngo nrvancho.

Ana jo nte susi yiv, tolia apo na nthomon ji nte pono rothokvü. Ombo n ante nzanchiv osi nte ndüngo tae vamvü.

Ntena ana yia evamo meta lan ji ntena ntsia.

Ayio olan ji, ntsa osi ekum ji, A yakchia ochina ha opo ji thüngi nnwoche.

Ntena shilo vanta khe, ana tara konkata owo randamvü ka.

Apo, tssochena ezüp shi a thüngina khi a süyia.

Tokhatola, alüm rüing mek, nilum erüing tae na tssoa!

Nteno kvütölyu yuta heatvü lo yiptala? Bhantitava!
Zetava, ocho na a yancho sana hoji tsathaka.



Ana ocho eyulo ntssüpia
sana hoji rhümata.



Salümka püingnoe yo!



Judas, nino Shanchopvüi
ji ntssü pa yena alo?

Opvüi, a ena ni shanchov
tsükona rota checho alo?



Meka!



Jisu na ombobo rasan jiang khi ombo sosi yithakcho. Osi
ombo sürüiten jiang jo meta echumpoe tsanrorae shikancho.



Jisu ji Pvüti eramo ji thüngi sosi wocho osi ombo Jihudi esopvüiten yulo khvüri ji tssosho. Peter tona John to oni na tssolia ekoni na Jisu sürüi phana wotacho.



Peter na pvüti ji ki chüngi rhowocho.



Nino ombo ndüngi vancho esü la.



Mek! Ana kyon ji ta nntsi

Nina ha onte yulo tsüka esü la.



Meka, ayio kyon ji tia nntsi!

Ana ntsia! Nina ha hoji lo vancho! Nino Galilee kyon!



Ninaa ntio phyoa sana ana ntia nntsi.



Ontena Jisu ji Roman esopvüi, Pilate thüngi sosi wocho. Jihudi esopvüiten jiang na kyon ochoang na zeta vancho sana ejüng ehüngpvüi pia kyon jiang ehaphicho. Osi onte na ovon choka nmlan pita, Jisu ji nrentacho.



Nina jo ontena nmlan ni pia osi ni nremo shiang tsukona kvüto phyoala? Ntia mekcho alo?



Nina ntio tssoscho la?

Ana ntio jo ntsa osi elan sana hoji ehungpvüi tssolo rocho ka.



Ntsa jijo ntio la ?

Ana ombo lo ntia worhyu nnhüng. Enhünga yuta shijo yakchi Tokhü müngyanchi oküm kuma. Nteno ocho a vachitok hüngala?





Barabbas!

Barabbas!



Tona Jisu to etsao shijo
ana kvüto lyuyiv la?

Doni ombo sia.

Ombo ombobo ji Mesao
esüa tvü to nchüma la!

Nina ombo vachia tssona nno
Caesar okhümo Oshum mek.



Nino evüngki shilo
na ni vachiala.

Hoji tolyui Barabbas ji evüngki na vachicho. Ombo phisayansaron
lo kyon ntha nrüi osi kyon lüngthaoji tsükona ombo ji vüingcho.



Thümro su tiying,
thümro sü tiza,
thümro sü tokvü!



Ayio ntsanthoe kyon shi
ejen lona emiroe kyon ka.




Salümka, Jihudi Mesao!



Pilate na Jisu ji domvü tsükona yiren ji sekacho. Donphen ni n domvü tsükona yiren shi jo hoji yuta lo jo ekyüthav echü yiren tssochö. Jisu na donphen ji hansü Jerusalem yantsü jilo olan jiang donga hansü ombo wotokcho.



Omno edomvü tsükona meta jilo Jerusalem yantsü ji hapoe tssochö. Hoji meta jijo Golgotha, yichak kin a kvüri ryu meta to tssachö.



Hoji lona Roman rasan jiang na Jisu ji ombo doni sichö.



Ji yutalo Jisu eyemo Judas na ombo nlan pia osi ethojaka nüngracho. Ombo na etsso elhi ji zecho sülo.



Ana mmen tssothaka.

Ana nlan nllio emiroe ejen ji ana yenthaka.



Ena enhungo hoji khi ntio l yuvla. Ni na ni etsso tssoa!



Jisu jo efüi otsük eni olongi ombo tonhyacho.



Apo, nlan nte sia; Onte na ntio tssoa sana ontana nntsi.

Ontena Jisu donphen jilo yisanlan ethüm na heto erankae eshenkaathokcho, osi hoji jo, "Nazereth Jisu, Jihudi Mesao ji".



Jisu na hoji sülo jo eno matarothoka jü ji eyiv tsükona tamüngcho.



Rasanten jiang ombo sü ji tsükona phyalu fükatacho.



Nino Potsow tsoe ji to tssona donphen jilo na jijya!



Ho! Ombo na jo thanpoe jiang nnshancho cho ke?

Nibobo to shancho sü ena ha e shanchoa!

Potsow ji tara to kyuchia. Ete mo ete nmen osi nmlan jiang tsükona ezüp epiala tolia kyon shina jo ntia nlan osi nmen nmlia ha ombo doncho.



Opvüi, nina ni ekhügyan ni na a nchümchekhe na!



Ana otsotso ji ezoa ka, nina nchung ekhügyani a ndüngo vam ka.

Hoji thüing jo engolongo lo tssocho osi eng ji khümzhüi sicho. Elani limha ji emüing na pyingi sicho.



Jisu oyo Mart tona ombo sürüie, John to Jisu donphen jilo mangi ngi vantacho.

Enhüingo ni no oyo tona ompvü tsoe to.




Potsow, A Potsow, nino ntio tsükona a sichola?

A.....eratsüngala!




Apo, Ana a mon ji ni khelo ni piala.



Topvü.....methakthaka.

Jisu jo engo ethüm ekho to shiang lo chücho. Osi rasan nchyua na Jisu khyoyo lo ejüngthe chiyile! Tsükjü tona ejen to chiyicho.



Kako osi motsü jiang lo heto erani lia: “Ombo olyuoro esüa ombo ji lüngthav tsükona sosi wocho”



“Ombo ete nñlan osi nmen jiang tsükona ombo ekhyokcho osi ombo elongthokcho.” Khatolia enhüngo ombo chüthaka.




Ombo shanchopvüi ji tsocho alo, ocho na nñlan nmen süyi lo rov to erani elio ji ombo alo?



Arimathea kyon Joseph tona Nicodemus to oni na Jisu müng ji khicho. Oni na Jisu müng ji sünyipvüna eyuki mozhürhüm mmmhom theta tanung ngi olüp, pi sitacho osi olüp ji olong tsopvü na khani sitacho.



Etena ombo mung ji talüing ngi si siyiv chev sana owo engatav ka.



Esan tsüngon ji yakchi si sulo,
eloe ejoma na kya nüngrata
Jisu sotheo olüpi wotacho....



Olong ji lüpkvüi na khoe sitakha!

Nteno ntiolyui eküm evamo ji
echüi jiang yolo yantala? Ombo
bhanthilanthaka, Wotava osi
ombo sürüiten jiang thüngi ezoa!




Peter osi John onina hoji zoale
olüpi zakto yunga wotacho.



Ntio tssocho ato?

Shiang jo ejüng
tae, ntia nnjü!





Hoji tsungon jilo lümbüm nnpükvü evamo Jisu sürüü eni ji oni na yentsata vanathüng olani na yentsae nchyua ndoki, Jisu khangshio osi ombo ri jiang na chütoko ji motsü rüta yia vantacho...

Nte na zenkhying jiang na phyo jiang nlongtsütacho alo? Shanchopvüü jina ombo pfütsso lo rhovov tsükona omno ji khangshiv osi ezüpthokvü to erani nlichoke? Hojiang topvü motsü ehen ni erani likhana!



Onte na etsoyui tssota thüing ontena sosi eyio lankon ji zaktole moni sicho...

Hoji jo Jisu ka!



Onte na zaktö le khochi Jisu sürüiten ejoma jiang thüing yana wotacho.

Mary osi Peter to oni na ha ombo hungcho!

E-na opvüü ji hüngthaka!




Hojithüng...

Nte lo noying lithoka!



Nteno a-to ji nlongtsüta alo?
A khe osi e jo jiang zetava!



A opvüü osi a Potsow!



Jisu na ombo sürüi ten jiang ji tsüngon zuro (40) jilo vanathüing ombo ji onte thüngi hüngthokcho. Ombo na elani kyon nzomongo jiang thüngi ynjoa lo na onte hüngthokcho tsüngon motsünga lo sürüi ejoma na Galilee wozhü ji lo na ongo rümta vantacho...





Peter, nina otsotso a nzana alo?



Jisu na Peter ji ombo na otsotso Jisu nzana alo, to ji yenjo ethüm engacho..



Hoka opvüi, ana ni nzanala to nina ntsia.

A olyu jiang seküpa!



A sü rüa roa!

Ana Potsoe ekhüng yan osi limha ae evan topvü lo etho ji hüngthaka limha ae kyong ten jiang thüngi an ante pügnowo jiang ezoa osi yansa sa jiang jiang a sürüi ten tsothoka opo myingona, otsoe ji myingona osi ntho mon ji myingona onte baptia yia, osi an ante püngno rünyo onte ezoa osi püngnoa.



Ntena yuta akvü lo shi nchümcheta vanta. Ana yuta topvu lo nte ndüngo vamvü osi limha ochüm njanthüng nandang vamvü ka.

Ombo na shiang phyosi sülo, Jisu na limha ji süsi, oyaki Potsow woe tsüngka ae chüngi sicho. Khatola ombo na heto ha phycho. Ombo na tsüngon motsünga lo kyong jiang oyi tssoyiv tsukona rolamvü...

Ombo surui ten jiang na randana Jerusalem mi na nhyakta vancho. Potsow nthomon, Potsow mon jina onte pyingcho Jisu lo evamo Potsow mon jina ombo lo pyingi vanathung esua onte lo Potsow mon jina onte pyingcho. Hoji yakchia onte na onte lo kyon ethan kümi, limhala lo evan kyon jiang thüngi etho lia ombo yi jiang püingnoa wotacho.



Echü osi emüng jina Jisu ji nnkhyochei. Potsow na echü lona ombo kümche-lanthokcho osi opvüi potsow ombo kümthokcho, hoji jo shanchopvüi.

Jisu sürüi ten jiang na ekyuesü osi ori elüm jiang yakchita onte elhi jiang tssota wotacho.

Jesu jo Potsow tsaе ji tssochol!



Yithen mmhom jiang ji sürüi ten jiang na kyong ten jiang thüngi chüte yakchia yenjantacho.



Ombo na ete mmen jiang ji donpheni vanathung nmlan e-siyiv tsükona ehani cho osi ete tsükona mbo chücho. Hoji tsükona nchüng tsüngon lona benkae Potsow na kvüto ete vanlan yilan jiang tsükona e-methaki cho sana hoji ephanina vanta wotav shikvü.

Jisu sürüi ten kvütata limha ae vanracho sana onte onte ndokta ae randanta elani ndokta elani nzo Potsow motsu jiang khata cho. Onte na hümri ji mphüksoe osi junügrothi jü ji yuta tokhütacho, osi hoji yakchia Jisu na echuo ji nchümcheta vantacho hoji jo Potsow lüm erüng ji tssochol, osi hoji jo Potsow na ombo nzan ji kyong jiang thüngi ezov tsükona osi hoji yakchia Potsow nzan ji kyongten lümbüm mi vanthokvü tsükona Potsow lüm erüng ji hoji tssochol.

Jisu na Potsow na kyong jiang echi etüm ezi mmhom nchümi evao jiang tssochev tsükona elhi tssocho.



Jisu na e-nzanala! Ete na yuta akvülo ombo thanthüng myingthüng pia evamvü ethev lia, osi ombo khümvü ethev lia!



Ntio tssole Potsow na limha ji nzankhüngcho lona ombo na ombo tssoe tsonthi ji khi picho, hoji tsukona ochoang kvütata na ombo lo longtsüa sana jiang jo nnchü tolia kümali eküm hüngvü.

WILLEM DE VINK

Nthomotsü ji

Jisu motsü jijo ntho motsü jilo erani vae lia. Ntho motsü shi kyong na khatao ji esüa nti kako elani kako thamo jiang lona kyongkata ntho motsü shi ekyongo khatala. Ntho motsü shilo motsü opvüo jiang erani lia. Ntho motsu ji erani evao tsükona jo nzyu othüng motsünga sü nzo mongo (1500) to khiv to zechetala. Ntho motsü shijo erani ekhachiv tsükona nzyu othüng motsünga su nzo mongo (1500) yuta khicho, Hojilo Potsow nza osi ombo etümezi kyong jiang thüngi mmhayiv tsükona topvü erankae lia. Jisu motsü shilona Potsow jo ocho sana hoji mmhona ejüala meka na zechetala,

Jisu motsü.

Ntho motsü jilo kako mezhü jilo Jisu eküm motsu jiang ji elüm mmhona chakcheta erani lia. Kako jiang jo motsü eranpvüi jiang ephanina erani lia. Osi eranpvüi jiang jo Jisu na eküm vanathüng onte nzo vanta rocho.

1. Mathew – Jisu sürüi nchyua. Ombo tsenkyae nchyua tsocho. Ombo na opvü tsoa Jisu na kvütoli Israel kyon ten (Jehudi) jiang thüngi püngnocho sana hojiang erani lia.

2. Mark – Jisu na ombo elhi jiang tsoa thüng jo Mark jo nongho ekümo tsocho. Ombo na eramo kako jilo Jisu na emathao elhi chethev jiang erani vai lia.

3. Luke – Ombo mozhu mono thungoe tsuktsen tsocho. Ombo Jisu osi ombo elhi jiang ji thampoe jiang esua mmhona nntsicho. Luke na erani lio jijo Jisu na kvutoli Jihudi kyon jiang pungno runyo cho sana hojiang mmhona chakcheta erani vai lia.

4. John- Ombo na Jisu surui nchyua tsocho. Ombona Opvu tsoa Jisu jo ocho sana hoji mmhona chakcheta erani vai lia. Osi ochona kyong jiang ji nmen lona rhanchojo sana hoji elum chakcheta erankaelia.



Jisu boko ji

Jisu oyo Mary jo yanpiyanthan nntsohancho kvüthüing ombo bokcho ompvü lomvü tssochö. To mpi tssolia Potsow na Jisu ji bok kvü tsükona mmhayicho. Shi chethev shijo Jisu limha ae nnrothüing zenkhying jiang na ovüingthüing na tssen ni erankae vanthokcho. Jisu jo ombo bok ka thüing jo ntia evanetsson wopan mekana ekhyoekhüing thongoe na nrvancho. Ombo tolia mangsu ranki lona vancho ntio-tssole hojithüing jo ombo vamvü tsükona chongchak nnlichö.



Jisu na chethev elhi etssovo jiang

Jisu na chethev elhi elüm tssochö. Nthomotsü jilo jo Jisu na emiyio thoko jiang tsükona emiyithok elhi zhüro (40) erani lia. Chethev elhi shiang yakchia Kisü na Potsow etho osi nzan jiang ji kyon jiang thüing ejühüingcho elani ombo kyon jiang nzanchi hüngcho osi onte ji emathathok hüngcho.



Jisu echi osi kumchelan.



Jisu jo ntiolyu chücho la? Jisu chu osi kumchelan ji Nthomotsü jilo mmhona eraroe erani lia.

Kyon topvü na kvüthung sana jo nnlan osi nmen elhi tsoala. Kvüthung Potsow na mmathao osi ete na elhi tsovo jiang zesi ombo nongra osi lümtsothoka sana hojiang jo nmen ji tsala. Osi hojiang nmrn jiang yakchia ete osi Potsow lona konta evanthokala. Hoji tsukona Jisu na limha ae rocho. Ombo lüm erüing ephani na Jisu na ezüp osi khangshi Jiang ombo na khicho, ete nnlan osi nmen jiang tsukona. Osi hoji ezüp jijo echü ji. Jisu na echü ji yakchia kyon tona Potsow to shenchümtalan cheho. Khatholla ete na nnlan tsovo jiang jo ete na Potsow thüngi nnlan echomvü ethev lia.

Jisu jo echu lona phanthilancho. Potsow na ombo kumchelanthokcho. Hoji yakchia Potsow na phyo jijo, ombo echü emung jiang lona etho jükata osi tssophowo.

Jisu jo enhungo Potsow thüngi vana. Osi ombo na eküm evamo ji yakchia, ombo yuta akvü lo enzanchi hüngala osi eküm mmhon lo evanthokvü tsükona ete ndüngo vanala osi hoji elhi mmhom jiang yakchia Potsow emathav tsükona.

Randan

Nina ni nnlan jiang tsükona nnlan chona osi Potsow thüngi okhümo ni tssohünga tsoa tsona, ni na randan mmhon shi theta randankhoka:

“Bzamo Potsow. Nina a nzanala. Nina Jisu ji rothokcho, Ni nzamo otssoe ji Ombo na a nnlan osi nmen yakchia donphen ni na chücho. Nzansi ana worhuyo jiang nnlan a süyia. Ana ni thüngi nnlan chonala. Montssow ka, Jisu na yuta akvu lo a ndüngo vamo ji yakchia. Ana yuta akvü lo ni ndüngo evamvü tsükona ekhyo tssov ka. Nina nzansi ni lüm erüing ephani na a eküm ji vana a wothokvü tsükona a nzanchikhokcho alo?”

Nina nzasi a ndüngo tae evamvü tsükona khyo tssotsso chev la? Montsso ka nina a jonji randan ji a engayio ji tsukona. Nina phyochako ji esüa nina tssole.

Jisu tona ni to

Jisu motsü jilo ethak jiang jo chonchi lan yichak esüa tvü. Jesus jo kyon elüm echi okhümo mmhom tssochö. Limha shi ji tongphithaka. Kyon elümoto na katho mponi mekana kürü mponi na tsankae nnyentsatav sithaka tolia onteno zotero mekana epyawoe na yentsatala. Khatolia Jesu tsükona jo nsenphyo. Ombo yuta akvulo ete ndungo jo nnhung tolia ombo otsotso eküm vana. Nchüing tsüngon jana ombo ete okhümo tssohüngala. Nina ombo püngno jiang engacheta osi ombo nzan khoka.

Nina Jisu tsükona ni engahüngcho alo osi ombo ndüngo evam tsükona eküm ji ni jüponcho alo? Nina Jisu tsükona otsotso ni engahüngcho alo osi ombo ndüngo eküm evamvü tsükona ni jüponcho alo? To tssona ni na shiang tssocheta.

1. Randanmvü jiang ji ekhav benkata. Luke na eramo motsü jiang kha.

2. Randanmvü tsükona benkata. Potsow thüngi jana osi ombo engata to shiang – Ni na oyi mmhom jiang tsütsav ethev lia.

3. Kyong jiang thüngi Jisu tsükona ezia osi Nthomotsü jiang püngnoa. Jisu na ombo longtsüi osi ombo lürüi jiang nzotssoe ndoki onte onte nzanta osi lum tssonina vantao ji tssohüngala osi onte lo khyingrata lia evamvü tsükona.



Translator Name: Ps. Renathung Humtsoe

Publisher: KRISTALAYA MERCY MISSION

Printed: Kristalaya Printers

Text and illustrations: Willem de vink

Copyright 1993 Stitching Wereldtaal, Rotterdam, The Netherlands, Published in Dutch as “Jezus Messias”. Edition in **Lotha** 2024 : ISBN: 978-94-93321-18-2

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail: jmpbk.app@gmail.com Web: jesusmessiahcomicmedia.com/india

Jisu jo shanchopvüi

Shijo shanchopvüi Jisu echi otsotso motsü. Ombo Israel metao nzyu othüng eni (2000) yithako jiwoe vancho. Kyon ochoang na ombo ndokcho emhoktsünggracho. Kyon ochi na ha ombo na tssovo jiang esüa ntia ntssohan. Kyon ochang na ombo ochi na ha ombo na tssovo jiang ntia ntssohan. Kyong ochinaha ombo na phyo jiang esüa nphyohan. Jisu na kvülo woa sana chethev elhi mmhom tsoa wocho. Osi ombo na kyon ochoang na ombo enga osi jancho zoa sana ematha osi noying picho. Tolia hojiang topvü ochüm tssoe sicho. Tolia hoji jo ochüm ji mek cho. Nibobo motsü jiang khæ zrsi shanchopvüi ji tsükona mmhona ntsi khia osi ombo motsü ochum nnlio jiang ji khæ zeta!



Language : Lotha

ISBN : 978-94-93321-18-2